

# Willem Vermandere, De Schepping

als god den heere de wereld schiep  
en vader adam tot leven riep  
ht ie in zeven dagen zogezeid  
heel de melkweg geplaveid  
met water en eerde geboetseerd  
&#039;onmeuglijkste wezens gecreerd  
nen mammoet in nen handomdraai  
en een bende mussen in ne zwaai

een zwaan en een giraffe langgenekt  
en de serpente eindloos uitgerekt  
&#039;t peerd en de koe dat was nog wel  
maar och god dienen puit in zijn bloot vel  
den haring in&#039;t zout en de kabeljauw  
pieren en mieren, de kraai en de pauw  
ezels en kwezels en nen maraboe  
&#039;t zwijn en den aap en de kaketoe

ie schiep, ie schiep, ie schiep ondeurdacht  
zonder b esef van wat ie had voortgebracht  
&#039;n beer en de wolf in ne wip  
&#039;n os en den ezel met nen vingerknip  
ie schiep berg en dal en &#039;t zand en &#039;t strand  
&#039;n eik en den olm met nen tik van zijn hand  
de klaver en d&#039; haver en nen druivetro  
patatten en tomaten en &#039;t gras en &#039;t mos

ie schiep ook de lind&#039; en den eglantier  
ie schiep op den deur voor zijn eigen plezier  
krokodillen en padden en de leguaan  
plankton en de kwallen in den oceaan  
&#039;t krioeld&#039; in &#039;t water en &#039;t kroop over &#039;t land  
zonder orde of tucht zonder enigverband  
met duizenden waren ze van iedere soort  
deur een fijn systeem plantte elk zich voort

maar &#039;t kroop toch eind&#039;lijk in god zijnen bol  
scheppen is niets maar den boel slaat op hol  
ie gaf scherpe klauwen aan tijger en kat  
en schiep de microben in den bek van de rat  
de leeuw kreeg het lam, de snoek den blik  
&#039;t wierd al opgevreten kreupel of ziek  
den haas altijd wakker en &#039;t hert op de vlucht  
en altijd die kreten van angst in de lucht

en dan komt de mens, verstandig en sterk  
&#039;t pronkstuk van god, de kroon op&#039;t werk  
ie berijdt het peerd en temt den hond  
stapelt stenen, boort in de grond  
ie wriemelt en wroetelt, ie lapt en tapt  
maakt ploegen en messen, ie kerft en ie kapt  
ie delft het goud en slijpt diamant  
en bouwt kathedralen met meesterhand

maar ie wrokt en grolt en is onvoldaan  
durft zelfs zijn broer dood te slaan  
omdat zijn vreemd accent hem grieft  
en &#039;t kleur van zijn vel hem nie belieft  
ach god &#039;t is simplistisch voorgesteld  
&#039;k h van ons raketten nog niets verteld  
we zijn al lang g&#039;evolueerd  
god, ziet dat g&#039;u verder goed amuseert